

ՈՍՏԱՆ ՀԱՅՈՑ ԳԱՎԱՌԸ ԱՐՏԱՇԱՏԻ ՄԵՐՁՔԱՂԱՔԱՅԻՆ ՏՆՏԵՍԱԿԱՆ ՏԱՐԱԾՔ

Գ. Գ. ՔՈՉԱՐՅԱՆ

Հնագիտական նյութերը Արտաշատի հյուսիսային թիկունքում ուրվագծում են անտիկ զարաշրջանի բնակավայրերի խիտ ցանց՝ ներկայիս Վերին Արտաշատ, Նորաշեն, Ներքին Դվին, Հնաբերդ, Փաղցրաշեն, Այգեզարդ, Կանաչուտ, Դեղձուտ, Արևշատ, Դիտակ գյուղերի տարածքում¹:

Եղիշեի «զմեծն Արտաշատ հանդերձ աւանօք իւրովք...», «զնահանգն Արտաշատու և զԱրտաշատ ինքնին զխովին, և զամենայն գեւզս և զաւանս. որ շուրջ զնովաւ էին...»² բնութագրումները վկայում են քաղաքն իր շրջապատով վարչատնտեսական մեկ ամբողջություն լինելու փաստը: Տվյալ գեւջում Արտաշատը իր մերձքաղաքային տնտեսական տարածքով ընդգրկում էր Ոստան Հայոց գավառը: Քաղաքի ներուժը պայմանավորված էր խորայի գրաված տարածքի չափերով և արտադրական հզորությամբ: Փոքր Ասիայում անտիկ քաղաքի խորան ընդգրկում էր շուրջ 20—30 կմ շառավղով տարածք, ներգրավելով տարաբնույթ բնակավայրեր՝ գյուղեր, ամրացված բնակավայրեր, անգամ փոքր քաղաքներ³: Ուստի Արտաշատի դեպքում Ոստան Հայոց գավառը նման նպատակի հատկացնելը օրվա հրամայական սլահանջ էր: Եթե մայրաքաղաքն օղակող երկրագործական գոտին կարող էր անմիջականորեն կառավարել Արտաշատի ինքնավար համայնքը, ապա շուրջ 20 կմ հեռավորության վրա գտնվող միկրոշրջանի գյուղական բնակավայրերի կառավարումը իրականացնում էր անտիկ Դվինը: Այս բնակավայրերի նկատմամբ Դվինի ունեցած հավաքական, առաջնային դերը պայմանավորված էր «բուն սյոգոտայի» Վաղարշապատ-Արտաշատ հատվածի վրա գտնվելու, մայրաքաղաքի հյուսիսային մատույցները հսկող ամրոց-բնակավայր⁴ և տաճար-սրբավայր զույգի, ինչպես նաև տնտեսական մեծ ներուժի համադրության անհամեմատելի գերադասելիության պարագայով: Եթե տաճարի վաղեմության հարցը դեռևս ուսումնասիրության ընթացքում է, ապա սրբավայրի գոյությունն այստեղ աներկրային է՝ Փ. ա. I հազարամյակի սկզբից ի վեր⁵:

¹ Ա. Ա. Փայաբաբյան, Դարձյալ Դվինի հիմնադրման մասին (ՀՍՍՀ ԳԱ կրթության հասարակական գիտությունների, 1974, № 1, էջ 65), Գ. Գ. Քոչարյան, Դվինը անտիկ զարաշրջանում, Ի., 1991, էջ 31—33, Ֆ. Ի. Տեր-Մարտիրոսով, Դիտակի և Տաճարաբերդի հետախուզական պեղումները (Հայկական ՄՍՀ-ում 1975—1976 թթ. գաղտային հնագիտական աշխատանքների արդյունքներին նվիրված զեկուցումների թնդիսներ, Ի., 1977, էջ 30—31):

² Եղիշեի Վասն Վարդանայ և Հայոց սպառնազմին (աշխ. և. Տեր-Մինասեանի), Ի., 1957, էջ 68, 79:

³ Б. С. Голубцова, Сельская община Малой Азии (III в. до н.э.—III в. н. э.), М., 1972, с. 63—64, 70—71; И. С. Свенцицкая, Зависимое население на землях городов Малой Азии в период эллинизма (Вестник древней истории, 1957, № 3, с. 93):

⁴ Գ. Քոչարյան, Անտիկ Դվինը Արտաշատի պաշտպանական համակարգում (Հանդես ամսօրյա, 1996, № 1—12, էջ 336—359):

⁵ Կ. Դ. Ղաֆադարյան, Դվին քաղաքը և նրա պեղումները, հ. 1, Ի., 1952, էջ 90—95, К. Х. Кушнарѳва, Древнейшие памятники Двина, Е., 1977:

Իրասխ, Մեծամոր, Աղատ դետերի հովտում, Արտաշատ մայրաքաղաքի հարևանությամբ, առևտրական հյուսիսային մայրուղիների խաչմերուկում տեղադրված անտիկ Դվինի և շրջակա բնակավայրերի բարգավաճումը պայմանավորված էր ոռոգելի բարեբեր հողերի և միջազգային աշխույժ առևտրի առկայությամբ: Խեղճ և այստեղ օրգանական մնացորդներ դրեթե չեն պահպանվել, սակայն արհեստագործական տարրեր ճյուղերի արտադրանքի ներկայությունը հնարավորություն է ընձեռում հաստատել այդ արհեստների զոյություն փաստն ինքնին, ինչպես նաև, ելնելով դրանց օգտագործման ոլորտից, բացահայտել տնտեսության այն բնագավառները, որոնց առկայությունն ուղղակիորեն հաստատող նյութ չի պահպանվել: Արտաշատի մերձքաղաքային տնտեսական տարածքի (Դվինի միջնադարյան շերտերի տակ հատվածաբար բացվող, շրջակա բնակավայրերի հետախուզական պեղումներով ու պատահական հայտնաբերումներով բացահայտվող) անտիկ շերտի ուսումնասիրվածության ներկա մակարդակը կարող է հնագիտական նյութի համալրման: Սակայն այսօր արդեն կարելի է, գոնե հիմնական գծերով, ճշտել մայրաքաղաքի ու նրա խորային փոխհարաբերությունների բնույթը, վերականգնել տնտեսավարման ընդհանուր սյուսկները: Հնագիտական առկա իրերի, դրանց արտադրության վայրի պատրաստման համար անհրաժեշտ միջոցների, կիրառման հնարավոր շրջանակների, քանակական ու որակական չափանիշների պատճառահետևանքային կապի համեմատական վերլուծությամբ բացահայտվում են Արտաշատի խորափայտնտեսական դործունեության բնագավառները:

Խեղճագործություն. դուրդի կավե և քարե անիվների և խեցեղեն բազմատեսակ, մեծաքանակ արտադրանքի առկայությունը, սրա որակական ու ոճական ընդհանրությունը հավաստում են խեցեգործության տեղական արտադրության փաստը: Այս խեցեղենի բնորոշ հիմնական ձևերն ու գունազարդման մոտիվները սերտորեն առնչվում են Արարատյան հովտի խեցեգործական խոշոր օջախների՝ Արմավիրի, Արտաշատի, Գառնիի համաժամանակյա արտադրանքի հետ: Ժամանակի առավել հատկանշական ձևերի յուրացման փաստն ինքնին վկայում է տեղական արտադրության տեխնիկական հիմքի որոշակի մակարդակի մասին: Նկատելի են զարգամոտիվների ինքնատիպ լուծումներ (կամարների մեջ թռչունների, ոճավորված կարիճի, պարող մարդակերպ էակների պատկերներ): Ուշագրավ են ցլազուխ կանթերով գունազարդ կարասները: Հավաքածուն ընդգրկում է երկու հիմնական խումբ՝ առօրյա կենցաղային գործածության խոհանոցային ամանեղեն ու սեղանի սպասք (ըմպանակ, սկուտեղ, ճրագ, թաս-քրեղան, տաշտ, սափոր, ծորակավոր անոթ, կճուճ) և սննդամթերքի տարա (տափաշիշ, կարաս): Տափաշիշի քանակական բացարձակ գերազանցությունը, ձևի կայունությունը (սկավառակաձև երկկանթանի իրան), գունազարդման ընդհանրությունը (բաց երանգի հիմնագույնի վրա վառ, մուգ գույնի համակենտրոն շրջանագծեր, կենտրոնում՝ խաչանման զարդապատկեր), չափերի կրկնությունը (հաճախ 16լ տարողությամբ), տեխնիկական բարձր որակը (խեցու կարծրություն, արտաքին գունեղություն և այլն) բավարար հիմք են տալիս պնդելու, որ սրանց արտադրությունը, տնտեսության ներքին պահանջները բավարարելուց զատ, ունեցել է նաև ապրանքային բնույթ:

Քարագործություն և քարակոփություն. պեղումներով բացված անտիկ

շրջանի շինությունների պատերը հիմնականում հում աղյուսից են և նստում են գետաքարով ու կավե շաղախով շարված հիմքերի վրա: Քննվող տարածքում պատահաբար հայտնաբերված, ինչպես և Դվինի վաղմիջնադարյան մոնումենտալ շենքերի շարվածքի մեջ վերստին օգտագործված, անտիկ շինություններին պատկանող սպիտակ ավաղաքարե, տուֆե, քաղալտե ճարտարապետական մանրամասները (սյան տորաձև ու ռատոնիկական խարիսխներ և մատնեքավոր գլան, ծոփորի ու քիվի հատվածներ, տանիքի ծածկասալ) և սրրատաշ սալերը (մի մասը կրում է սվաղի, ներկի, որմնանկարի հետքեր) վկայում են մասնագիտական առավել մեծ հմտություն պահանջող որմնագործության գոյությունը և հավաստում ժամանակի ճարտարապետական-կառուցողական մակարդակին բնորոշ պալատական կամ տաճարային շենքերի ներկայությունը⁷: Քարաշեն նման կերտվածքները քաղաքաշինական կարևոր դեր են ունեցել միջավայրի ծավալատարածական կազմակերպման հարցում:

Նշանակալի տեղ ունի երկրագործական մթերքի (հացահատիկի, խսողղի, յուղատու բույսերի) մշակման, ինչպես նաև արտադրության մեջ օգտագործվող բարե սարք-հարմարանքների խումբը (աղորիք, երկանք, սանդ, հավանգ, տարապան, գուռ, տաշտ, դուրգի անիվ, հեսան), որ վկայում է այստեղ քարակոփության արհեստի գոյության փաստը⁸:

Մետաղագործություն. մետաղե իրերի (զանակներ, պայտ, գամեր, մեխեր, տեղ, նետասլաք, պերճանքի պարզագույն առարկաներ) սակավ քանակը մետաղագործության մակարդակը բացահայտելու հնարավորություն գեղես չի բնձնում, սակայն հավանական է դարբնոցի գոյությունը:

Մանածագործություն և կաշեգործություն. հերյունների, իլիկի ղլխիկի, կանեփի հատիկների, խոշոր և մանր եղջերավոր անասունների ոսկորների առկայությունը վկայում է այս արհեստների գոյությունը առնվազն տնայնագործական մակարդակով:

Հացաբույսերի մշակումը. հավաստում են այստեղ հայտնաբերված աղորիքները, երկանքը, սանդը, ինչպես նաև նստուկին անցք ունեցող տարողունակ կարասները:

Խառողագործության և գինեգործության համոզիչ վկայություն են սարապլանները, գուռը, խեցեղեն մեծաքանակ տարան, վաղ էտելու կորաշեղդ գանակները:

Ձիթատու բույսերի մշակություն և ձիթագործության ապացույց են տիղկանեփի մշակելու տարապանը, ճրագները, կանեփի հատիկները:

Անասնաբուծության և թռչնաբուծության նյութական վկայություն են խոշոր ու մանր եղջերավոր կենդանիների և թռչունների ոսկորները, ինչպես նաև անասնապահական մթերքների մշակման խեցեղեն տաշտերը, կճուճները, ծորակավոր կաթնամանները:

Առևտուր. անտիկ Դվինը շրջակա բնակավայրերով մայրաքաղաքին մատակարարում էր հացամթերք, կաթնամթերք, մսեղեն, մրդեղեն, բուսական-

⁷ Գ. Գ. Քոչարյան, Դվինի հեղինկայական դարաշրջանի նորահայտ շինությունը (Պատմա-բանասիրական հանդես, 1987, № 4, էջ 221—226), նույնի՝ Դվինը անտիկ..., էջ 20—22, 62—64, 78:

⁸ Գ. Գ. Քոչարյան, Դվինը անտիկ..., էջ 34—38, նույնի՝ Նոր նյութեր Դվինի հեղինկայական բնակավայրի վերաբերյալ (Լրաբեր հասարակական գիտություններ, 1990, № 2, էջ 100—103):

դեն, դինի Գինին Հայաստանից արտահանվող ապրանքների շարքում մշտապես եղել է առաջիններից մեկը: Այստեղ հայտնաբերված տափաշշերի զգալի քանակը հավաստում է միջազգային տարանցիկ առևտրի ուղիների խաչմերուկում, զինու առք ու վաճառքով զբաղվող կենտրոնների՝ Արտաշատի և Վաղարշապատի միջնորդությունը՝ արտաքին շուկա դուրս գալու փաստը:

Խորայի ընակչությունը Արտաշատից ձեռք էր բերում տեղական արտադրության իրեր (շքեղ սպասք, պորփյուրե սկահակներ, ջնարակած թաս, պերճանքի առարկաներ՝ ապակե և կիսաթանկարժեք քարե ուլունքներ ու բաղմանիստ կնիքներ), ինչպես նաև միջազգային առևտրով Հայաստան ներմուծված ապրանքներ՝ օձանելիք, պերճանքի առարկաներ (անուշահոտ յուղերի կավե սրվակ՝ փոքրասիական հելլենիստական քաղաքներից, ապակե սրվակներ՝ սիրիա-սիդոնյան ապակեգործական կենտրոններից, «եգիպտական մածուկից» ուլունք, սագափե և կաուրի խեցիներ՝ Սիջերկրականի առափնյա երկրներից)¹⁰:

Խորայի տարածքում սկստահարար հայտնաբերված դրամների հույժ սուղ քանակը (Փիլիպոս III Արիդայոսի արծաթե շորեքղրամյանը, Տիգրան Մեծի արծաթե դրախման, Օգոստոս Օկտավիանոսի և Դոմետիանոսի դենարները, Բոսպորի թագավորության արքաներ Ռիսկուպորիդես II-ի սեստերցիան և Ռիսկուպորիդես VI-ի սղնձյա ստամբերը)¹¹, հիմք է տալիս ենթադրելու, որ ներքին շուկայում դերիշխել է ապրանքափոխանակությունը:

Այսպիսով, վերը քննարկվածից հետևում է, որ Արտաշատի մերձքաղաքային անտեսական տարածքն ընդգրկում էր Ոստան Հայոց գավառը Ոռոգելի, րարերբր այս հովտի ընակչությունը զբաղվում էր երկրագործությամբ, անասնապահությամբ, թռչնարուծությամբ և տնտեսավարման անհրաժեշտ արհեստներով: Այստեղ կադուծակը ինքնարավ ընատնդեսային եղանակն էր, և սեփական արտադրանքի տեսականու պակասը լրացվում էր ապրանքափոխանակությամբ, դրուդատնտեսական մթերքի հավելյալ մասը մայրաքաղաքի շուկա վաճառքի հանելով: Արտաշատի մերձքաղաքային տարածքում ընակավայրերի հոծ ցանցի առկայությունը հիմք է տալիս կարծելու, որ նորաստեղծ մայրաքաղաքի համարնակեցմանը (սինոլիսմոս) դուգրնթաց, մ.թ.ա. II դ. կատարվել է նաև խորայի ընակավայրերի համարնակեցում, թերևս նաև նորերի հիմնում: Այս ընակավայրերի կառավարումն իրականացնում էր անտիկ Դվինը, որ քաղաքատիպ ավան էր, իր աշխարհագրական շահեկան դիրքով, ամրոցաբերավայր ֆունկցիայի տեղական համագործությամբ ու տնտեսական նշանակալի ներուծով: Արդեն IV դ. տրքայանիստ դարձած Դվինի մերձակա դուղերը աստիճանարար միավորվեցին և կազմեցին քաղաքայնացող ընակավայրի պարսպապատ թաղամասերը, իսկ մյուսները՝ նրա արվարձանները: Մայրաքաղաքի ֆունկցիան Դվինին անցնելուն դուգրնթաց, Ոստան Հայոց գավառը դարձավ Դվինի մերձքաղաքային տարածքը և «Աշխարհացոյցում» վավերացվեց որպես «Ոստան Դունոյ»¹²:

¹⁰ Ю. А. Солодухо, К вопросу об армяно-иранских торговых связях в IV веке (Исследование по истории народов Востока), М.—Л., 1960, с. 128—132.

¹¹ Գ. Գ. Քաղարյան, Դվինը անտիկ դարաշրջանում, էջ 49, 52—60, 70—73:

¹² Նույն տեղում, էջ 60, 73—74:

¹³ Ս. Տ. Խեմյան, Հայաստանը ըստ «Աշխարհացոյց»-ի, Ե., 1963, էջ 49:

ВОСТАН ХАНОЦ ГАВАР—ПРИГОРОДНАЯ ЭКОНОМИЧЕСКАЯ
ЗОНА АРТАШАТА

Г. Г. КОЧАРЯН

Резюме

Сравнительный анализ первоисточников и археологических данных античных поселений на северо-востоке города Арташата (Востан Ханоц гавар) указывает на основные отрасли сельского хозяйства этого региона, на виды ремесел, натурально-хозяйственный уклад жизни, торгово-культурные связи со столицей (снабжение сельскохозяйственными продуктами, приобретение недостающего ассортимента собственного производства путем товарообмена).

Явное превосходство длительного совместного сосуществования крепости-поселения и храма-святилища Двина обусловило его ведущую и объединяющую роль в данном сельскохозяйственном районе, что в числе других факторов предопределило перенесение в 330-ые годы н. э. царского двора из Арташата в Двин. Впоследствии в «Аш-харацуйц»-е (VII в.) Востан Ханоц гавар засвидетельствован как «Востан Двпой».